

gressiois obedientie ulli ceterorum, nec toti Diffinitorio alterius Familiae liceat resistere illius mandatis, praesertim post secundam iussionem, in qua expressa sit clausula: Non obstantibus his, quae Nobis exposita sunt, quando exposita referantur ad literam.

III. Similiter sua familia obedire tenebitur suo Commissario Generali, qui vel Jurisdictione Ordinaria, vel delegata in aliquo casu gubernium totius Familiae tenet, quin impediri, nec retardari possit ab aliquo, quam ab omnium Superiore Ministro Generali Ordinis.

IV. Ut semper, ac futuris temporibus sine alicujus Familiae, sive Religionis murmure, aut querela unitatis Religionis sub uno Capite permanere possit, & debeat in proxima futura electione Ministri Generalis facienda juxta Sanctam Regulam eligendus, & assumendus est in hoc munus, filius Familiae Hispanae, & in Commissarium Generalem alterius Familiae, scilicet extra Hispanam assumendus est filius ejus.

V. Finito sexennio post praedictam primam electionem futuram eligendus est in Ministrum Generalem Ordinis Filius extra Hispanam Familiae, & in Commissarium Generalem pro sua Familia Filius Familiae Hispanae.

VI. Hac semper vicissitudine impossibile fiat electio Ministri Generalis Ordinis in Capitulo generali.

VII. Si durante Sexennio, Ministrum Generalem Ordinis mori contingat, vel alia quavis causa ejus Officium vacaverit, ex eadem Familia eligendus est Vicarius Generalis Ordinis; Qui excepto nomine, Ministri in omnibus, & per omnia eandem Jurisdictionem, & praesentiam habere debet, ac Minister Generalis habuerat. Et ejus Officium durabit dumtaxat usque in finem illius sexennii, ne privetur Familia Superiore Generali Ordinis adhuc per breve tempus ante Capitulum, nec inter Familias alteretur vicissitudo.

VIII. Si contingat Commissarium Generalem deficere in alia Familia mortis, renunciationis, aut alia quavis causa, tunc Minister Generalis ex eadem ejus, qui defecerit, Familia eligat Vicecommissarium, qui auctoritate delegata, & Nomine Delegantis expresso, omnes illi commissas facultates usque ad proximum Capitulum exerceat.

§. II.

*De tempore, & loco, in quo celebrandum est Capitulum Generale.*

I. Generale Capitulum de triennio in triennium celebretur, Sabbato ante quartam Dominicam post Pascha, nisi iuxta de causa iudicio Diffinitorii generalis Ordinis, omnibus votis praeter unum concurrentibus differatur, & tunc die assignanda ab ipso Diffinitorio celebretur, Si vero instante tempore, quo juxta Regulam Capitulum Generale celebrari debet, Praeses Capituli

infirmetur, itaut assistere non valeat, tunc ipsemet poterit Capitulum differre per mensem tantum.

II. Capitulum Generale ad praescriptum Regulae celebretur de triennio in triennium Sabbato ante quartam Dominicam post Pascha extra Curias Principum in Domo assignanda a Ministro Generali Ordinis quatenus ipse praesideat, consulto Diffinitorio Generali ipsius, vel a Commissario Generali consultis Diffinitoribus suae Familiae, Ministro Generali non praesidente.

III. Tempore Capituli non admittantur hospites, nec Domum Capitularem ingrediantur vocales per duos menses ante celebrationem Capituli, nisi fuerit Pater Provincialis illius Provinciae exceptis Socio, si Minister fuerit, & Vocale illo, qui ante annum habeat in eadem Domo suam illi designatam residentiam continuam.

IV. Minister Generalis, & ejus Diffinitorium praesistere debent ante Capitulum in eadem Domo Capitulari, & ceteri Vocales ingredi teneantur feria Quinta ante praedictam Dominicam quartam post Pascha.

V. Pater Minister Generalis tempore apto, ut omnes, qui vocandi sunt ad Capitulum congregentur, mittat literas vocatorias omnibus vocalibus, qui teneantur concurrere, & Invitorias, quibus licitum sit concurrere; easque omnes mittat cum expressione temporis, & loci celebrationis imminens Capituli Generalis, & si hujusmodi literae ad aliquem Capitularem non pervenerint, nihilominus ipse concurrat, & vocatus intelligatur, dummodo constet de promulgatione Capituli Generalis facta, & in sua Provincia aliis nota.

§. III.

*De Praeside, & Lectoribus in Capitulo Generali.*

I. In Capitulo Generali Ordinis semper praesideat Superior Generalis illius, sive Minister, sive causa Ministri defectus, Vicarius Generalis cognominetur, & si congregato jam Capitulo ipse aegrotaverit, vel propter aliam causam non accesserit ad Capitulum, tunc Commissarius Generalis alterius Familiae erit Praeses Capituli, ejusque praesidentia durabit usque ad finem dicti Capituli nisi praesens fuerit noviter electus in Ministrum Generalem, quia tunc praesidentiam habere debet. Et si etiam contingat, congregato Capitulo, Ministrum Generalem, & Commissarium Generalem alterius Familiae simul deficere, tunc Praeses Capituli eligatur ab omnibus vocalibus simul, & usque in finem Capituli praesidentiam habeat, nisi noviter electus in Ministrum Generalem sit praesens.

II. In Capitulo Generali suffragium tantum habeant sequentes: Praeses Capituli, sive sit Minister Generalis, sive Vicarius Generalis, sive Commissarius alterius Familiae, sive Praeses electus a Capitulo. Deinceps Commissarius Generalis, vel Vice-

Vice-Commissarius Familiae, ex qua Minister Generalis assumendus est: Item Diffinitores Generales Ordinis, & postea Diffinitores Generales Familiae: Omnes Ministri, vel Vicarii Provinciales; Singuli loci primi pro singulis Provinciis Ordinis: Procurator Generalis Ordinis, itaut quoties in Hispania celebretur Capitulum Generale, suffragium habeat Procurator Generalis Hispaniae, & quoties celebretur Capitulum extra Hispaniam, suffragium habeat Procurator Generalis Curiae Romanae, atque etiam suffragium habeat Secretarius Generalis Ministri Generalis, qui spirat: & propterea suffragium habere poterit, qui aliquando fuerat Superior Generalis Ordinis, vel Familiae Minister, scilicet Vicarius Commissarius, vel Vice-Commissarius. Et sub poena privationis ad ulteriora Ordinis officia, nullus ne ad Capitulum adeat, nisi propter infirmitatem excusari possit; illis exceptis, qui antea Superiores Generales fuerunt, quibus dummodo actu non sint Vocales, liberum erit adire, vel non adire ad Capitulum propter aetatem, & labores antea susceptos. Nullusque poterit suffragium suum compromittere.

III. Primo loco sedeat in Capitulo Praeses, & ad ejus dexteram tota Familia ipsius Ministri Generalis, qui spirat. Secundo loco, & ad sinistram Praesidis Superior Generalis alterius Familiae cum tota sua Familia; itaut Superiores Generales caput agant ad latera, & post quamlibet intra propriam ejus, ceteri sequantur hoc Ordine: Diffinitores Generales: Ministri, aut Vicarii Provinciales: Socii, primi, & etiam secundi quando subrogantur pro vocali aliquo quamvis subrogetur pro illo, qui Superiorem sedem haberet: Praeterea actualis Procurator Generalis, qui habeat suffragium, deinde Secretarius Generalis; & denique post vocales suae Familiae, qui aliquando fuerat Superior Generalis pro ea, & si plures fuerint, qui aliquando munus Superioris Generalis habuerint, qui fuit Superior Generalis Ordinis praecedat eum, qui fuerat Superior Generalis Familiae; & si eodem munere plures fundi fuerint pro eadem Familia antiquior in Professione praecedat, qui quidem ordo intra, & extra Aulam capitularem servandus erit, quando sive in Refectorio, sive in Choro ad latera sedeant, post Ministrum Generalem sedebit Commissarius Generalis Familiae: Postea Diffinitores Generales Ordinis: Deinde Diffinitores Generales Familiae: Postea Patres Provinciales, juxta antiquitatem suarum Provinciarum: Postea Socii primi juxta antiquitatem earundem: Praeterea Procurator Generalis, & post eum Secretarius Generalis, ac denique qui fuerant Superiores Generales, itaut qui Minister Generalis fuerat, praecedat eum, qui solum fuerat Commissarius Generalis: & si plures fuerint Ministri, antiquior praecedentiam habeat, cujuscumque Familiae fuerint.

IV. Si quis ex Capitularibus, aliqua

ex causa fuerit inhabilis, vel activa voce, privatus, seu dubium super hoc fuerit, ad Diffinitorium Generale Ordinis spectet id determinare, vel declarare. Cui determinationi, vel declarationi omnes stent sub poena privationis vocis activae, vel passivae in illo Capitulo.

V. Quando contigerit Praelatum aliquem Superiorem proferre sententiam suspensionis ab officio, vel privationis vocis contra Praelatum sibi inferiorem, suffragium habentem in Capitulo Generali, vel in Diffinitorio effectum non habeat, quin prius consulatur idem Diffinitorium, casu quo in vim dictae sententiae impediatur dictum suffragium praefato Reo. Quod intelligatur etiam quando sententia tantum est declarativa dictae poenae impositae, videlicet ipso facto a jure, vel a Bullis, seu Brevis Pontificiis, vel a nostris Constitutionibus.

VI. Nullus sive in Capitulo Generali, sive in Diffinitorio audeat subornare Electores directe, vel indirecte, vel precibus, pollicitationibus, minis, aliove modo illos inducere, ut alteri praesentent, vel denegent suffragium, Et contraveniens tanquam pacis perturbator puniatur poena privationis officii, & loci per triennium.

§. IV.

*De Sociis ad Capitulum Generale, eorumque officio, qualitatibus, & electione.*

I. Cum in Capitulo Generali suffragium habere debeat Socius uniuscujusque Provinciae, & nominandus sit ab ipso Capitulo pro futuro, in quo alii erunt Ministri, & alii non statutum est, quod Capitulum Generale (cui impossibile est scire, neque intelligere personas, qua post sexennium sint Ministri) designet Socios, qui ratione officii concurrere debeant ad Capitulum. Ideoque quaelibet Familia seorsim ex quolibet Provincia suae Familiae designare debet duas Domos, quae Capitulares cognominentur, ut qui fuerint earum Ministri immediate ante Capitulum Generale Ordinis, aut Familiae suae vi solius electionis in Ministros earum Domorum; Socii sint ad Capitulum Generale futurum: Ita ut Minister Domus prius in hoc Capitulo designata, sit primus Socius, & in Capitulo futuro suffragium habeat: & Minister alter scilicet Domus posterius designatae pro eadem Provincia sit Socius secundus, & in defectum alicujus Capitularis, quatenus illius munus solum sit concurrere extra Domum Capitularem in loco proximo ad illam, ut praesto, & in promptu sit ad hoc, ut si opus fuerit, ob defectum alicujus vocalis Provinciae suae, suffragium habeat supplendo pro eo, nisi vocali, qui deficiat, liberum fuerit abesse Capitulo; quippe eorum suffragia suppleri non debent.

II. Et quia Socius debet esse praeditus doctrina, observantia, & experientia in regimine, monemus Patres Capitulares Provinciarum, quod in suis Capitulis Pro-

vincialibus immediatis Capitulo Generali, eos eligant in Ministros Domorum Capitularium, qui digni sint, ut concurrant tanquam Socii suae Provinciae ad Capitulum Generale. Et quod etiam caveant, ne eligatur in Ministrum alicujus Domus Capitularis pro triennio immediate Capitulo Generali, qui jam Socius fuerat in antecedenti Capitulo.

III. Si per mortem, infirmitatem, aut aliam justam causam, Minister alicujus Domus Capitularis non possit interesse Capitulo, tunc Diffinitorium Generale suae respectivae Familiae, seligere possit Dominum alteram, cujus Minister actualis concurrat ad Capitulum semper, ut Socius secundus. Si autem contingat utrumque Socium pro aliqua Provincia simul deficere, Minister Domus prius electus a Diffinitorio in illo casu erit Socius primus.

IV. Si quis Minister, vel alter Religiosus aliquid animadvertendum, vel notatione dignum habeat remittendum ad Capitulum tradat Socio suae Provinciae, vel suo Provinciali, ut unus, vel alter portet.

§. V.

De forma celebrandi Capitulum Generale Ordinis.

I. Feria quinta ante Dominicam quartam post Pascha congregentur omnes Capitulares utriusque Familiae ante meridiem, in Domo designata ad Capitulum celebrandum, ut ad Vesperas Praeses Capituli congregent omnes illos. Vespere autem idem Praeses imponat illis praeceptum in scriptis, jubendo, quod si quis fecerit alicujus Capitularis impedimentum propter quod non debeat admitti ad Capitulum, illud manifestet statim ante ipsum. Quod si facta sufficienti probatione impedimentum aliquod inventum fuerit, ad Diffinitorium Generale Ordinis pertinebit declarare, inhabilem esse habentem tale impedimentum, & illum a Capitulo excludere.

II. Die vero sequenti, scilicet feria Sexta congregentur Familia, unaquaque seorsim ab alia. Praeses cujuscumque vocalibus suae Familiae notos faciat Catalogos omnium Religiosorum ipsi designatos a Provincialibus suae Familiae, & a suis Diffinitoribus Provincialibus approbatos, in quibus contineantur Religiosi omnes, qui intra Provincias, in specibus solum graduatione, & Interstitiis apti reperiantur, juxta nostras Constitutiones ad munera, & officia suae Familiae in eo Capitulo pertinentia: Ut nullus postea conqueri possit, & quod sua aptitudo non fuerit praesens omnibus vocalibus suae Familiae. Illa autem aptitudo ex pura graduatione, & interstitiis judicanda erit, quin ad mores, & observantiam aliquo modo referatur, ut alii includantur, excludantur alii, alias daretur dissentionum, & causa litium.

III. Deinde postea eodem die, alia tamen sessione, iterum congregentur Familiae seorsim, ut eligibilitatis scrutinium fiat

ab unaquaque, sequenti modo. Quod Familia quaevis juxta suam Conscientiam, faciat seligibilitatis scrutinium totius Familiae suae proponendum, & id faciat, ita ut unusquisque vocalium in schedula una seligat quinque ad electionem capitis pro sua Familia, sive pertinentis ad illam; Et illos quinque eligat ex aptioribus politis in Cathedralis, eos tamen, quos suo iudicio judicaverit aptiores. Schedulas vero omnes tradere debent suo Superiori. Superior autem facta antea juramento fidelitatis coram tota sua Congregatione, ab ipso, & duobus sibi immediate vocalibus ejusdem regulabit Schedulas, & quinque illos eligibiles, qui plures voces habuerint in praedictis vocalium Schedulis eligibiles declarare, & omnibus gremialibus suae Familiae manifestare tenebitur, ostendendo illis Schedulam, manu unius scrutatoris scriptam subscriptam ab alio scrutatore, & signatam a se ipso Praefide Familiae; & statim hanc suae regulationis Schedulam totius Capituli Praefidi tradere tenebitur, Praefes Familiae, ex qua assumendus est Minister Generalis, ut Praefes Capituli toto Capitulo manifestet eam ante electionem.

IV. Eadem Feria Sexta simile fiet scrutinium, in quo unusquisque vocalium scribat, seligendo ex Cathalogo inter aptos ad Diffinitoris Officium pro sua Familia, duodecim, ut ex omnibus Schedulis, duodecim continentibus, a Scrutatoribus, & Praefide Familiae regulatis vocibus, duodecim, qui plures voces, quam ceteri habeant, scribantur in alia Schedula modo dicto, & similiter publicata postrema Schedula, ut de proxime eligibilibus constet, tradatur Praefidi. Si autem contigerit, quod in eligibilitatis scrutinio, duo, vel tres equelem numerum suffragiorum, seu vocum habeant, illi omnes reputentur eligibiles. Si vero hujusmodi aequalitas reperitur, quando jam ad numerum eligibilium solum deficiant unus, duo, vel tres, tunc antiquiores in professione, eligibiles reputentur. Ceterum si fere omnes voces singulorum vocalium pro duobus, tribus, aut quatuor eligibilibus reperiantur, & singularis pro aliis fiat secundum scrutinium ad eligibilitatem illorum, qui usque ad numerum proxime eligibilium defuerint. Si quis autem inventus fuerit, se ipsum nominasse in Scheda selectionis ad eligibilitatis scrutinium, eo ipso ineligibilis sit, quamvis seclusa voce illius, ceteras omnes habeat pro se. Caveatur stricte ne Scrutatores ulli vocalium revelare audeant numerum vocum, quas habuerat aliquis, qui eligibilis publicatur.

V. Factis ab unaquaque Familia praedictis scrutinii, traditaque Praefidi Capituli Schedula eligibilium, modo dicto efformata pro eligibilibus suae Familiae, Praefes totius Capituli, Familiam Generalis, qui spirat, certiores faciat de eligibilitate sibi nota ad electionem proxime futuras a toto Capitulo faciendas.

VI. Si in aliquo Scrutinio eligibilitatis, vel supra eo aliquae difficultates occurrant, deter-

determinanda sunt a Diffinitorio Generali ejusdem Familiae, cujus resolutioni standum erit sub poena ad arbitrium ipsius Diffinitorii.

VII. His omnibus eadem Feria Sexta expeditis, sequenti die, Sabbatho nempe, & prima diluculo cantetur, assistentibus omnibus Religiosis, Missa Solemnis de Spiritu Sancto cum commemoratione Beatae Virginis Mariae, & Sanctorum nostrorum Patriarcharum. Idemque etiam fiat in omnibus Conventibus, & Collegiis Ordinis pro felici Capituli eventu. Ac praeterea in omnibus Domibus toto tempore Capituli communis, & particularis fiat oratio, ut Deus illuminet Capitulares, ad hoc, ut conformiter omnia faciant, & operentur ad majorem Domini gloriam, & Religionis utilitatem, & incrementum.

VIII. Finita Missa, Praefes Capituli (etiam si forte aliquis vel aliqui ex vocalibus non pervenerint) jubet fieri signum cum Cymbalo ad Capitulum Generale: Et postquam omnes Gremiales congregentur in Aula Capitulari, illico coram omnibus Praefes Capituli concionem habeat spiritualem idiomate omnibus communi, hortando vocales, ut in omnibus actionibus, & electionibus praeculis habeant majorem Dei gloriam, & Religionis incrementum.

IX. Exhortatione finita, ut sine scrupulo ad electiones procedatur genuflexis omnibus, Praefes ad cathedram illos abfolvat ab omnibus, & quibuscumque censuris, forma sequenti: Omnes dicent Confessionem generalem, & Praefes Capituli prosequatur dicens: Misereatur vestri &c. Indulgentiam &c. Si tenemini aliquo, vel aliquibus vinculis Excommunicationis, suspensionis, aut interdicti in quantum se extendunt gratia, & privilegia Ordini vestro indulta mihi commissa, & nobis concessa: Ego absolvo vos ad effectum electionum faciendarum, & restituo vos Sacramentis Ecclesiae, Communioni, & unitati Fidelium. In nomine Patris & Filii, & Spiritus Sancti. Amen. Item eadem auctoritate Ego vos absolvo ab omnibus aliis, de quibus feri consuevit Absolutio in consimilibus Capitulis, ut sitis absoluti hic, & in Tribunali Domini Nostri Jesu Christi, ut habeatis vitam aeternam, & vivatis in Secula Saeculorum. Amen.

X. Capitularibus sic absolutis, & adhuc genuflexis ante Imaginem Crucifixi (quae debet esse supra primam & principalem Mensam Aulae Capitularis) gratiam Spiritus Sancti invocant devote dicentes Hymnum Veni Creator Spiritus &c. quo finito Praefes Capituli, ceteris respondentibus prosequitur. Emitte spiritum tuum, & creabuntur. Et renovabis faciem Terrae. Benedicamus Patrem, & Filium cum Sancto Spiritu. Laudemus, & Superexaltemus eum in saecula. Mitte eis Domine auxilium de Sancto. Et de Ston tuere eos. Ora pro Nobis Sancta Dei Genitrix. Ut digni efficiamur promissionibus Christi. Exultent justi in Conspectu Dei. Et delecentur in laetitia. Domine exaudi orationem meam. Bull. Rom. Tom. XIV.

Et clamor meus ad te veniat. Dominus vobiscum. Et cum spiritu tuo. Oremus.

Mentes nostras quae sumus Domine, Paraclitus, qui a te procedit, illumines, & inducat in omnem, sicut tuus promissit Filius, veritatem.

Omnipotens sempiternus Deus, qui dedisti Famulis tuis in Confessione verae Fidei aeterna Trinitatis gloriam agnoscere, & in potentia majestatis adorare unitatem, quae sumus ut ejusdem Fidei firmitate, ab omnibus semper muniamur adversis.

Defende, quae sumus Domine Beato Mariae semper Virgine intercedente, istam ab omni adversitate Familiam, & toto corde tibi prostratam, ab hostium propitius tuere clementer insidiis.

Deus, qui per Sanctos Patres Nostros Joannem, & Felicem Ordinem Sanctissimae Trinitatis, ad redimendum de potestate Sarracenorum Captivos, celsius institueris dignatus es: praesta quae sumus, ut eorum suffragantibus meritis a captivitate corporis, & anima te adjuvante, liberemur.

Omnipotens sempiternus Deus, qui facis mirabilia magna solus, praestande super Congregationes illis commissis spiritum gratiae salutaris, & ut in veritate tibi compleantur, perpetuum eis rorem tuae benedictionis infunde.

Deus largitor pacis, & amator charitatis da Famulis tuis veram cum tua voluntate concordiam: ut ab omnibus, quae nos pressant, tentationibus liberemur. Per Christum &c.

XI. Rogatione finita, Electores omnes ante supradictam Imaginem Crucifixi, faciant juramentum, quo se obligent ad eligendum digniores, & aptiores respectu officiorum, quae proponuntur, & quae praeculis habeant in omnibus electionibus majorem Dei gloriam, & progressum Religionis, juxta tenorem nostrae Regulae. Idem quoque Juramentum faciant Electores Sociorum, & Diffinitores in Diffinitorio, vel in qualibet alia Congregatione quando facienda est aliqua electio alicujus Praelati, vel Socii.

Forma Juramenti talis est.

Ego Frater N. de N. juro, & promitto Deo Omnipotenti, Beatae Mariae semper Virgini, & Beatis Patribus nostris Joanni, & Felici, me electurum illos, quos juxta meam conscientiam credam digniores, & aptiores futuros esse Ordini Nostro, Provinciae, & Conventibus, quoad spirituaalia, & temporalia.

XII. Facto Juramento Capitulares sedentes eligant per secreta suffragia Secretarium Capituli de ejus corpore, & per majorem suffragiorum partem, electus pronuntiabitur a Praefide Capituli, in cuius manus Secretarius electus faciat juramentum fidelitatis, & servandi secretum sequenti forma:

Ego Fr. N. de N. juro, & promitto Deo Omnipotenti, Beatae Mariae semper Virgini, & Beatis Patribus nostris Joanni, & Felici, me in omnibus ad meum officium

spectantibus fidelitatem, & secretum servatum.

XIII. Confectum Capitulum eligat per secreta suffragia tres Capitulares in Scrutatores ad regulandum suffragia in electionibus. Ipsi autem (si aliud visum non fuerit) Capitulo, quod per secreta suffragia determinabit) semper erant Praefes Capituli & duo immediate sedentes ad dexteram, & ad sinistram illius, qui quidem scrutatores statim faciant coram Capitulo iuramentum fidelitatis, & secreti sequenti forma.

Ego Fr. N. de N. juro, & promitto Deo Omnipotenti, Beatæ Mariæ semper Virgini, & Beatissimis Patribus Nostri Joanni, & Felici me scrutatoris officium fideliter facturum, & secretum semper servaturum, non revelando personas, quæ suffragia præstiterunt, vel negaverunt huic, vel alteri.

XIV. Deinde Capitulum per secreta quoque suffragia eligat ex Scrutoribus unum, qui officium faciat secretarii præfise in scrutinio, & Electus faciat, statim ac pronuntietur a Præsede, iuramentum in manus istius ea forma, quæ posita manet n. 12. pro Secretario Capituli.

XV. Rursus Capitulum eligat per secreta suffragia unum ex Vocalibus, qui post regulata suffragia in electionibus nomine ipsius Capituli faciat, & pronunciet electiones forma signanda sequenti §. num. 4. & pro casu, quo suffragia concurrant pro aliquo officio in ipsum Electorem, seu Pronunciatorem, Capitulum eligat alterum, qui ejus electionem pronunciet. Quod si aliter visum non fuerit Capitulo (quod per secreta suffragia determinabit) semper primus Scrutator erit Elector, seu Pronunciator; & pro casu electionis suæ secundus Scrutator.

XVI. Eadem forma, idemque totum, quod tribus numeris antecedentibus dictum est erga Scrutatores, Secretarium scrutini, & Electores, seu Pronunciatores Electionum, servatur omnino, quotiescumque in Diffinitorio, sive in alia quacumque Congregatione, extra, vel intra Capitulum generale facienda sit aliqua electio canonica Prælati, vel Socii.

XVII. Prædictis igitur præambulis finitis, procedat Capitulum ad electiones, & præcedat omnes, fiatque ante prandium electio Patris Ministri Generalis, & si præfens sit, sedeat immediate post Patrem Ministrum Generalem, qui spirat, sive post præfidem Capituli; non tamen præfideat, nec officium exerceat usquequo finiatur Capitulum. Nihilominus omnes tam Capitulares, quam ceteri Religiosi Conventus, statim ac electio facta sit, pergant processionaliter cum electo in Ecclesiam cantantes Hymnum: *Te Deum laudamus*, & ibi accipiant ab eo benedictionem, & omnia fiant juxta formam dispositam in nostro Manuali. Tamen si Pater Minister Generalis electus, præfens non fuerit, illum non expectet Capitulum, sed processatur.

XVIII. Post Vesperas ejusdem diei

congregentur in Aula Capitulari Vocales omnes, illius Familiae, pro qua Minister Generalis spirat, & Præsede eodem, qui totius Capituli Praefes fuerit, atque sibi electis Secretario, Scrutoribus, modo dicto, omnes simul canonicè eligant Commissarium Generalem ad triennium immediate futurum pro sua, & ex sua Familia, assumptum eodem modo, & ritu, quibus Minister Generalis Ordinis ante Prandium electus fuerat.

XIX. Sequenti die, videlicet, Dominica congregentur omnes utriusque Familiae Vocales, & similiter per secreta suffragia eligant ad futurum sexennium sex Diffinitores Generales Ordinis juxta Breve SSimi Domini Nostri Clementis Papæ XII. quod incipit: *Pastoralis Officii*: expeditum Mense Septembris die 10. Ann. 1730. qui quidem Diffinitores semper assumendi erunt ex Familia Ministri Generalis noviter electi.

XX. Similiter post Vesperas hujus diei congregentur omnes, qui Commissarii Generales fuerant pridie Electores, & ex sua Familia, & pro ea sex alios Diffinitores Generales Familiae eligant ad futurum triennium, qui nec vocari possint, nec reipsa erunt Diffinitores Generales Ordinis.

XXI. Diffinitoribus omnibus electis, congregetur tota, solaque Familia intra Hispana, & Præsede eodem Capituli Generalis, canonicè & ad triennium ex sua Familia eligat Ministrum Nostri Conventus Romani S. Caroli. Et postea Familia, ex qua Minister Generalis spirat, similiter canonicè, & ad triennium eligat ex sua Familia Ministrum Nostri Collegii Romani de Propaganda Fide.

XXII. Immediate Feria Secunda, Familia Ministri Generalis, qui spirat, albis, nigrisque globulis, aut lapillis assumptis eligat ad sexennium Procuratorem Generalem Ordinis pro Romana Curia ex sua Familia assumptum cui totum Capitulum, antequam finiatur, dare tenebitur Ordinis mandatum Generalis Procura, & similiter eligat Chronistam generalem pro sua Familia. Deinde Familia Ministri Generalis electi, Præsede Superiore, qui spirat, similiter, & ex sua Familia eligat Procuratorem Generalem Familiae suæ pro illius negociis in Romana Curia exequendis, qui etiam ante finem Capituli dabit suum mandatum Procura, cum expressa prohibitione, sub præcepto formali, ne in communibus negociis Religionis se immisceat, nec verbo, aut scripto a se, aut ab aliis suæ Familiae cognominetur Procurator Generalis Ordinis; & postremo eligat Chronistam Generalem pro Familia sua.

XXIII. Si fuerit aliqua Domus extra Provinciam, præter dictas S. Caroli, & de Propaganda, & Minister illius majorem partem triennii post suam electionem expleverit, Familia illa, ad quam Domus pertineat, Ministrum eligat in eodem Capitulo Generali ad triennium, quia postea finito triennio, (nisi sit Capitulum intermedium)

medium) ad Diffinitorium Familiae pro alio triennio usque ad Capitulum Generale pertinebit electio omnium, qui per Capitulum Generale electi fuerant ad triennium. Quod si Familia intra Hispana quando ei competit Capitulum Generale intermedium, illud celebrare non possit, illius Diffinitorium Generale eligat Ministrum Nostri Conventus Romani S. Caroli ad sequens triennium. Et similiter Familia, quæ prædictum Capitulum celebrare jam instante tempore nequeat per suum Diffinitorium Generale eligat Ministrum Collegii nostri de Propaganda Fide ad immediate triennium.

XXIV. Electiones Ministrorum horum in Capitulo generali poterunt fieri sine Scrutinio ex omnibus aptis, quia propositis quinque ex aptis a Diffinitorio Provincia, ex qua eligendus assumi debeat, Familia in eo Capitulo eligere poterit, quem judicaverit eligendum.

XXV. Finitis electionibus, præsequantur sessiones necessariæ ad agendum de observantia, progressu, bonoque communi nostræ Religionis, & ante omnia, ac præcipue de ejus Instituto, Redemptione nimirum Captivorum: Et ab ipso toto Capitulo confirmantur præcepta in his Constitutionibus imposita. Quibus conclusis, Capitulum per secreta suffragia eligat octo ex Ministris Provincialibus actualibus, & Ministris ex Domibus Capitalibus, ad hoc, ut Priores quatuor, vel quinque concurrant, simul cum Diffinitoribus Generalibus Ordinis, & Familiae, (sicut præcipit Regula) ad correctionem, vel depositionem Superioris Generalis Ordinis, si in illo sexennio opus fuerit. Reliqui vero ad hoc deputati juxta Ordinem suæ electionis, succedant primis si ex illis aliquis defecerit, mortis, aut renunciationis, aut alia quavis causa.

XXVI. Insuper idem Capitulum eligat sex Patres ex gravioribus Religionis, quorum consilio, & assensu, Superior Generalis (quando casus occurrerit) eiciat ab Ordine aliquem, vel aliquos instructo processu, & plene probatis causis expulsionis, juxta Decretum Sacre Congregationis Concilii. Et præterea eligat quoque Capitulum, ad eundem effectum alios quatuor vel sex Patres subrogandos Ordine suæ electionis in defectum alicujus, vel aliquorum ex sex prius electis.

XXVII. Deinde qualibet Familia seorsim designet ex qualibet Provincia sua, duas Domos Capitalares, ut dictum est §. 4. hujus Cap. num. 1., ut Ministri illarum Socii sint ad Capitulum futurum generale Ordinis, vel Familiae juxta dicta.

XXVIII. Quibus electionibus factis, legantur coram Capitulo Decreta S. Romanæ, & Generalis Inquisitionis, & Præsides Capituli hortentur ad illorum strictam obedientiam, & observantiam. Postea legantur coram suo Diffinitorio Epistolæ Missæ ad Capitulum, ut si Diffinitorio visum fuerit coram toto Capitulo notæ fiant. Decernimus autem, quod nec Præsides Capi-

Bull. Rom. Tom. XIV.

tuli, nec Capitalaris alius præter assignatos, possit legere, aut aperire hujusmodi Epistolæ.

XXIX. His omnibus peractis, continuo imponat Præsides præceptum omnibus, & singulis Vocalibus, ut inter spatium viginti quatuor horarum, reveleant ante ipsum, & manifestent impedimentum; Si quod forsitan fuerit, ratione cujus aliquis ex Prælati noviter electis non possit, nec debeat confirmari in suo Officio. Quod si aliquod impedimentum inventum fuerit, ad Diffinitorium Generale Ordinis spectat judicium de illo, nullo autem invento, Capitulum totum confirmet electionem Ministri Generalis Ordinis juxta Breve se. re. Urbani Papæ VIII. Deinde omnes Vocales ad illius electionem, confirmet electionem Commissarii Generalis Familiae: Et postea duo Diffinitoria simul cum Præsede confirmet electiones Diffinitorum Generalium Ordinis: Ac demum Ordine servato electionum, quælibet Familia cum Præsede confirmet, electiones, quas canonicè fecit.

XXX. His expeditis Sociis Provinciae modernioris, cujusvis Familiae surgat, & coram Capitulo legat Catalogum Religiosorum, qui in illo triennio in tota sua Familia decesserunt, quem illi tradere teneantur, ejusdem Familiae Provinciales. Deinde surgat Secretarius Capituli, & coram toto etiam Capitulo legat electiones omnes, statuta, Decreta, & cetera omnia acta, & disposita ab utraque Familia in ipso Capitulo. Quæ cuncta debent esse scripta in libro Capituli Generalis cum annotatione in qualibet Prælatorum electione numeri suffragiorum concurrentium ad illam, & his lectis subscribant in eodem libro omnes Vocales, qui usque ad hanc diem, & sessionem debent esse æquales inter se, & omnes a solo Præsede licentiam, Socium, benedictionem, signumque recipere quamvis quoad præcedentiam inter se, & actuum præfidentiam servandus sit ordo supradictus. Quo facto dissolvitur Capitulum.

XXXI. Semper Capituli generalis tres erunt publicæ conciones, Missæque solemnes, duæ ex Festivitatibus Ordinis ad arbitrium Præsidis, qui tempore apto monere debet Provinciales suæ Familiae, ut Prædicatores eligant, quos voluerint pro determinata ab ipso Præsede concione facienda in Capitulo illo. Monemus tamen Provinciales, ut si Concionatores, vel Concinator aliquis satirice ad murmur Populi excitandum, vel complacendum prædicaverint, illico, & perpetuo prædicandi, & concionandi licentias auferant, vel licentiam, itaut nisi de consensu Capituli generalis futuri minime, qui defecerit, possit intra, nec extra Domos nostras Spiritus Sancti ascendere Cathedram. Jam perfectio, dissolutoque Capitulo novum Diffinitorium Generale Ordinis visitet Superiorem Generalem, & Diffinitores Generales Ordinis, qui jam functi suo munere fuerint. Item novus Minister Generalis, & idem novum Diffinitorium Generale visitet Superio-

periores Generales, & Diffinitores Generales Familie, qui in illo Capitulo spirarunt. Hujusmodi autem visitatio fiat juxta dicenda cap. 41. §. 1. num. 4. & receptis Depositionibus Capitalium contra illos, visitationeque conclusa, nisi forte inveniatur culpa, quæ majorem inquisitionem, atque examen requirant, nam tunc fiet, quod citato Capitulo, & §. disponitur, Missa Solemnis de Requiem pro Defunctis Religiosis, & Benefactoribus Ordinis, & concio habeatur (quæ erit tertia) faciendæ ab aliquo illius Provincia, in qua Capitulum celebratur juxta Provincialis electionem, qua functione peracta, Capitulares, se mutuo Charitate fraterna amplectentur, & in suos Conventus proficiscantur.

## §. VI.

*De modo servando in electionibus faciendis.*

I. Nec Pater Minister Generalis, nec alius Superior nostri Ordinis habeat jus nominandi, vel proponendi aliquam Personam determinatam, ut eligatur. Poterit tamen quandoque Diffinitorium, si illi expedire visum fuerit, aliquas personas proponere ex eligibilibus, relinquendo tamen electores liberos, ut suffragia sua illis, vel aliis præstent ex eisdem.

II. Postquam omnes sua suffragia dederunt in qualibet electione, Scrutatores illa ante omnia numerent, attendendo, an correspondeant, & æqualia sint numero Vocalium. Quod si ita est, primus Scrutator illa reponat in Urna, & postea sigillatim extrahat, & legat, & legendaque præbeat duobus alijs Scrutatoribus, & Secretarius Scrutinii illa sigillatim scribat, & numeret. Si vero quando Schemata numerantur, non accedunt ad numerum Vocalium, vel illum excedunt, comburantur statim, sine eo, quod legantur, & iterum de novo suffragia ferantur. Ceterum si aliqua Schemata vacua, seu alba inventa fuerit, vel cum suffragio cum conditione, vel alternative, vel præfite Personæ incapaci secundum jus, vel subiecto antea Scrutinii eligibilitatis non eligibili, tunc casus Scrutatores suppresso nomine habentis suffragium, vitium, quod notaverint, declarent, & talis Schemata pro nulla, & pro non suffragio reputanda est; Ideoque separatur, & regulatio, ac numeratio aliorum suffragiorum fiat, & illis solum attendantur ad videndum, an sit electio, vel non. Et præcipimus in virtute sanctæ obedientiæ & sub præcepto formali Scrutatoribus, quod si tempore electionis aliquod reperitur suffragium pro subiecto, qui ex eligibilibus non fuerit, vitium declaret Electoribus, ne procedant ulterius.

III. Si in primo, vel secundo Scrutinio non fuerit electio, Scrutatores consulant Diffinitorium generale Ordinis, & istud (si illi expediens visum fuerit) jubeat, quod suffragia declarentur, & quæquæ habeat, manifestentur, ut ita Vocales facilius ad electionem conformen-

tur. Si autem facta postea tertio Scrutinio, adhuc non sit electio canonica, omnis Scrutinii, ille intelligatur electus, vel hujus Constitutionis, pro quo fuerit major numerus suffragiorum, quam pro alio, aut aliis, tunc antiquior in Professione reputabitur canonicus electus.

IV. Scrutinio facta, Pronunciator ad id a Capitulo electus, juxta dicta §. antecedenti num. 15. faciat, & pronunciet electionem pro illo, qui habet omnia suffragia, vel plusquam medietatem, vel in casu discordiæ pro eo, qui electus deputari debet juxta immediate dicta, declarando numerum determinatum sequenti forma, quamvis ipse suffragium electo non dederit.

Ego Fr. N. de N. nomine meo, & omnium Electorum præsentium per decem suffragia v. g. vel (si casus fuerit) in casu discordiæ, & æqualitatis, eligo in majorem, ac generalem Ministrum nostræ Sacræ Religionis, vel in Diffinitorem Generalem, vel in Ministrum Provinciale, Provinciam N., vel in Ministrum Conventus, vel Collegii N. P. Fr. N. de N. in Nomine Patris, Filii, & Spiritus Sancti. Amen.

V. Forma ista faciendi, seu pronuncianti quamlibet electionem, semper observetur tam in Capitulo, quam in Diffinitorio, vel alia quavis Congregatione. Schemata autem esse poterunt scriptæ propria suffragantis manu, vel aliena. Quæ igne comburantur in ipso Capitulo, vel Diffinitorio, vel Congregatione, antequam Vocales surgant.

VI. Omnes controversiæ, & difficultates ortæ in, vel super electionibus, etiam Patris Ministri Generalis in Capitulo, vel alia quacumque Congregatione determinentur per Diffinitorium generale, cujus resolutioni nemo contradicat sub pœna ad arbitrium ipsius Diffinitorii infligenda.

## §. VII.

*De modo aliquid proponendi, & decernendi in Capitulo Generali.*

I. Ut maturiori consilio determinetur, quod in Capitulo generali v. g. propositum fuerit, liceat ipsi Capitulo (si illi expedire videbitur) decisionem differre usque in sequentem diem.

II. Quotiescumque judicio trium Capitalium conveniens sit proponi, vel determinari rem aliquam in Capitulo, Præses teneatur illam proponere, ut decidatur, dum tamen non sit novam condere Constitutionem; Ad hoc enim proponendum, & conferendum major Capituli Generalis Ordinis pars debet petere, & instare: Præses autem hujusmodi Capituli poterit in eoto proponere quicquid ipsi expedire videatur, & unica Familia consentientibus antea omnibus suffragiis illius, proponere poterit toti Capitulo, ut fiat Constitutio pro sua tantum determinatâ Familia.

III. Præcipimus, quod nullo prætextu a Sum-

a Summo Pontifice postuletur innovatio, seu immutatio in re aliqua Sanctæ nostræ Regulæ, nisi hoc fiat per Capitulum Generale Ordinis concurrentibus omnibus votis, & nemine discrepante, & contraveniens huic Constitutioni, ipso facto privatus sit officio suo, & inhabilis perpetuo ad quæcumque alia. Similiter non postuletur a Sede Apostolica, nisi per idem Capitulum Generale, & consentientibus tribus ex quatuor partibus suffragiorum, innovatio, alteratio, seu abrogatio, quoad totum, vel quoad partem alicujus ex Constitutionibus confirmatis ab ipsa Sede Apostolica.

IV. Ut aliqua Constitutio de novo condatur, ejus convenientia in duobus, vel tribus Capitulis Generalibus, Ordinis sedulo, ac diligenter expendi, & agitari debet hoc Ordine: Postquam in primo Capitulo actum est de re aliqua, si a majori parte suffragiorum approbata fuerit, statim vim habeat ordinationis, & executioni mandari incipiat usque ad sequens Capitulum, in quo mature examinata, si consentientibus omnibus præter unum fuerit approbata, habeat deinceps vim Constitutionis. Si vero a duabus tantum partibus suffragiorum approbata fuerit, perseveret ejus executio, ut ordinatio, usque ad tertium Capitulum generale. Et si in hoc tertio expensis convenientibus, vel inconvenientibus expertis in ejus executione, si adhuc approbetur a tribus ex quatuor partibus suffragiorum, habeat deinceps vim Constitutionis; alias non concurrentibus dictis tribus suffragiorum partibus, eo ipso revocata, & penitus extincta maneat præfata ordinatio; nec impostum de ea fiat in Capitulo mentio, nisi mutatis circumstantiis, illi de ea agere videatur, incipiendo examen tanquam de re, de qua nunquam actum fuerat in Capitulo. Declaramus autem, quod quando tres, vel quatuor partes suffragiorum æquales esse non possunt, non attendatur, nec ratio habeatur de votis superabundantibus, ad tres, vel quatuor partes æquales.

V. Ad hoc autem, ut aliqua Constitutio ex non confirmatis in specie a Sede Apostolica quovis modo alteretur, innovetur, vel abrogetur, & ad hoc, ut fiat Constitutio contraria alicui ex eis, eodem modo in Capitulis generalibus examinanda est ejus convenientia, vel inconvenientia; ita tamen, ut si in aliquo ex tribus Capitulis, omnium omnino concurrant suffragia; aboleatur antiqua Constitutio, & executioni mandetur ordinatio nova. Ceterum quamvis in primo Capitulo consentiat major pars suffragiorum, non statim executioni mandetur, nec suspendatur per illud sexennium Constitutio antiqua. Quod si in sequenti Capitulo consentiant duæ partes ex tribus suffragiorum, tunc suspendatur per triennium antiqua Constitutio, & executioni mandetur nova ordinatio, alioquin ista prorsus extincta maneat. Quod si in tertio Capitulo diligenter perpensa consentiant tres partes ex

quatuor suffragiorum, aboleatur antiqua Constitutio, quoad id, in quo per novam alteratur, innovatur, mutatur, seu innovatur, contrarium disponitur, nec unquam agatur de ea, nisi ob rerum vicissitudinem, tanquam de re nova, de qua nunquam fuerat actum; si vero in hoc Capitulo non consentiant dictæ tres partes suffragiorum, præfata ordinatio eo ipso nulla sit, & omnino maneat extincta. Poterit vero Capitulum Generale Ordinis dispensare in Constitutionibus, dummodo non sint ex confirmatis a Sede Apostolica, ita tamen, quod si non pertineant ad universalem Ordinis regimen, sufficiat major pars Vocalium: Si autem pertineant ad præfatum regimen, fieri debet consentientibus duabus ex tribus Capituli partibus. Omnino tamen dispensatio fiat ad tempus scilicet usque in sequens Capitulum, in quo nisi confirmetur, pro nulla habeatur. Quod etiam intelligatur de dispensationibus, quæ juxta dicenda, ab alijs Congregationibus fieri possunt, demptis, quæ a solo Diffinitorio fuerint, quæ protrahi poterunt usque ad Capitulum, cujus Diffinitorium fuerit Caput.

VI. Ad faciendâ quæcumque statuta (nullatenus tamen nostris Constitutionibus contradicentia) quæ vim habeant Decretorum Capituli generalis Ordinis, sufficiat major pars suffragiorum, & extunc executioni mandentur. Si autem in Capitulo immediate sequenti expresse non confirmetur, eo ipso extincta maneat. Si vero approbentur nedum a majori, sed etiam a duabus partibus suffragiorum, non ideo censeantur extinctæ, sed perseverent, ut ordinationes juxta dicta p. 4.

VII. Omnia, quæ in Capitulo deciderent per secreta suffragia determinentur calculis albis, & nigris.

## §. VIII.

*De Capitulo Generali intermedio.*

I. Cum, favente Deo, plures sint extra Hispaniam instituta Provinciæ, & ad felicius, faciliusque Ordinis regimen sub unitate unius Capituli bipartitio facta fuerit, & instituta, ut in omnibus utraque Familia dignoscatur æqualis, & ad præscriptum Regulæ, de triennio, in triennium celebretur Capitulum generale, quod quidem juxta illius tenorem semper celebratum fuit, ita ut solum de sexennio in sexennium; & post triennium hujus Capituli electivi, aliud Capitulum generale, quod ab initio vocatur intermedium, ita etiam servetur impostum, hoc solo discrimine, quod Capitulum electivum de sexennio in sexennium celebrandum, Capitulum generale Ordinis vocetur: & Capitulum intermedium solum celebretur in ea Familia, ex qua in Capitulo generali Ordinis, Commissarius Generalis electus fuerat, sicque verificabitur, quod semper de triennio in triennium aliquod Capitulum generale celebretur in Ordine.

II. Ca-

II. Capitulum Ministri Generalis ele-  
ctivum semper celebrari debet intra Fam-  
iliam, ex qua Minister Generalis spirat,  
cui Familie correspondet celebratio futuri  
Capituli Generalis intermedii, ut sic su-  
premum Caput Religionis nunquam mu-  
nus suum finiat extra Familiam suam.

III. Capitulum generale intermedium  
celebrari debet juxta Regulam Sabbato  
ante quartam Dominicam post Pascha, &  
post triennium a die celebrationis Capituli  
generalis Ordinis intra propriam Fam-  
iliam extra Curias Principum in Domo de-  
signanda a Preside Capituli, qui semper  
erit Commissarius Generalis Familiae, nisi  
intra illam, & extra propriam Familiam  
adit Minister Generalis Ordinis, & vo-  
luerit praesidere in dicto Capitulo inter-  
medio.

IV. Si stante tempore Capituli Preses  
infirmetur, potest differre Capitulum per  
unum mensem tantum, quo elapso si adhuc  
fuerit impeditus, vel si congregato jam  
Capitulo agrotaverit, praesideat Diffini-  
tor Generalis Familiae actu Prior inter  
alios.

V. Ad hujusmodi Capituli celebratio-  
nem, per suas literas convocatorias con-  
vocare debet, & invitare per invitatorias  
Superior Generalis Familiae omnes, qui  
concurrere debent, & possunt, eo modo,  
quo dictum est de Capitulo generali Ordinis,  
in aliquo anno sit futurus Preses Cap-  
ituli intermedii.

VI. In Capitulo Intermedio suffragium  
habere debent Minister Generalis si adit,  
Superior Generalis Familiae: Diffinitores  
Generales illius, Ministri Provinciales, vel  
Vicarii Provinciales ejusdem: Ministrique  
actuales Domorum Vocalium, quae in Cap-  
itulo generali Ordinis designatae fuerint,  
ut earum Ministri finito sexennio, Socii sint  
ad Capitulum Generale Ordinis, quippe  
Ministri hujusmodi Domorum ad Capitu-  
lum intermedium debent concurrere, &  
eorum successores in eisdem Domibus ad  
Capitulum Generale Ordinis, quod etiam  
intelligitur de Sociis in defectum. Prae-  
terea suffragium habebit in hoc Capitulo in-  
termedio, intra Hispaniam Procurator  
Generalis Hispaniae; Et extra Hispaniam  
Procurator Generalis Ordinis in Romana  
Curia: Deinde Secretarius Generalis Su-  
perioris Generalis Familiae; ac demum qui  
ex eadem familia assumpti fuerant, ali-  
quando Superiores Generales Ordinis, vel  
Familiae; ita ut hi pro libito, ceteri au-  
tem sub poena perpetuae privationis con-  
currere teneantur, sicut dictum est, circa  
Capitulum Generale Ordinis.

VII. In Capitulo intermedio circa  
praecipua, scrutinia, selectiones eligibili-  
um, ac cetera praebula, ea omnia ob-  
serventur, quae dicta manent circa Cap-  
itulum Generale Ordinis.

VIII. Tempore Capituli sedeant or-  
dine, quo nominati sunt, (& si casu oc-  
currerit) in quo recens electus praesens  
fuerit, sedeat immediate post Commis-  
sarium Generalem qui spirat, & statim suf-

fragium habeat, quamvis de corpore Cap-  
ituli non sit.

IX. Facta electione Superioris Gene-  
ralis Familiae, quae semper fieri debet praedi-  
cto Sabbato ante prandium, post eam  
illico omnes Religiosi illius Domus, atque  
Vocales pergant processionaliter cum elec-  
to in Ecclesiam cantantes Hymnum *Te-  
Deum laudamus* prout in Capitulo Gene-  
rali Ordinis. Si autem Diffinitorium Ge-  
nerale Ordinis propter Bella, aut alias  
urgentissimas causas, illi a toto Diffinito-  
rio Generali Familiae praepositas nemine  
discrepante hujusmodi Capitulum inter-  
medium differendum judicet, tunc juxta  
ipsius Diffinitoris generalis Ordinis arbi-  
trium celebrabitur, die assignanda ab eod-  
em, vel non celebrabitur absolute, &  
tunc casus non celebrationis ipsum Diffini-  
torium Generale Ordinis per literas paten-  
tes a Ministro Generali efformatas nomine  
sui Diffinitorii prorogare, & confirmare  
poterit canonice in futurum triennium, &  
Commissarium, & Diffinitores Generales  
Familiae.

X. Ipso autem die electionis Commis-  
sarii in Capitulo intermedio, congregen-  
tur ipsius Vocales, & Sex Diffinitores Ge-  
nerales Familiae ex eadem eligant. Et al-  
tera die congregentur omnes in Aula Cap-  
itulari, & si familia fuerit intra Hispania,  
primum eligat Ministrum Nostrum Conventus  
Romani S. Caroli; At licet intra Hispa-  
nia non sit, eligat Ministrum nostri Col-  
legii Romani de Propaganda Fide.

XI. Capitulum Generale intermedium  
nullas alias electiones facere poterit: Ideo  
his finitis agere debet de Redemptione, &  
Observantia, facereque Ordinationes, &  
Statuta pro sua Familia, quae minime oppo-  
nantur factis a Capitulo generali, vel Dif-  
finitorio generali Ordinis, atque sibi eli-  
gere Chronistam pro tota sua Familia.

XII. Omnibus peractis, Commis-  
sarius noviter electus coram toto Capitu-  
lo repromittat obedientiam, eamque  
promittat specialem tempore sui muneris  
Superiori generali Ordinis; & postea to-  
tum Capitulum confirmet Patris Commis-  
sarii electionem: Deinde confirmet etiam  
singulas electiones, quas fecit canonice; &  
siant, leganturque, quae faciendae, & le-  
genda sunt in Capitulo generali juxta ibi-  
dem dicta.

XIII. Dissoluto Capitulo, Capitula-  
res se mutuo fraterna charitate amplexentur,  
& in suos Conventus proficiantur.

XIV. Illico & quamprimum Secreta-  
rius, qui fuerit Diffinitorii Familiae certio-  
rem faciat Ministrum Generalem Ordinis de  
omnibus electionibus, & de repromissione  
obedientiae moderni Commissarii Genera-  
lis, qui omnibus noviter electis tradere,  
debet literas authenticas suae electionis.

## S. IX.

De aliis Congregationibus generalibus.

I. In casu, quo eligendus sit Vicarius  
Gene-

Generalis Ordinis propter defectum Mini-  
stri Generalis, ut diximus, Prior Diffini-  
tor Generalis Ordinis, tunc superstes, cui  
competit in eo casu gubernare totam Fam-  
iliam, ut Superior Generalis Ordinis,  
usque ad confirmationem novi Vicarii Ge-  
neralis per suas literas vocatorias congre-  
get omnes Vocales suae Familiae, qui con-  
currere tenerentur, & posset si in ea Fa-  
milia celebrandum intermedium, designet  
que Domum aptam etiam extra Principum  
Curias pro celebratione Congregationis, ut  
in ea congregentur tempore apto, ad ipsius  
arbitrium, itaut quamprimum fiat Vicari-  
ri Generalis electio.

II. Si Diffinitoribus Generalibus Ordi-  
nis illo, & alio exceptis, confiterit, quod  
per omissionem, aut industriam praedicti  
primi Diffinitoris retardatur Congrega-  
tio, & Vicarii Generalis electio, liberum  
sit illis ad Sedem Apostolicam authentice  
accurrere, ut a Pontifice destinetur Vicari-  
ri Generalis Ordinis.

III. Praedictus Diffinitor primus erit  
Praeses hujus Congregationis, in qua im-  
ponat praecipuum ad impedimenta dete-  
genda, cunctaque alia exerceantur, quae  
exercere debet Praeses cujuscumque Cap-  
ituli.

IV. In praedicta Congregatione sicut  
Scrutinia eligibilitatis, usque ad num.s.  
eligibilium, prout in Capitulis Genera-  
libus.

V. Post Missam Solemnem de Spiritu  
Sancto &c. praebula, quae sunt in Cap-  
itulis, fiat electio Vicarii Generalis ante  
prandium, qua facta, immediate post ele-  
ctionem pergant processionaliter in Eccle-  
sia cantantes *Te Deum*, quamvis noviter  
electus non sit in eadem Domo, in qua si  
fuerit, ab ipso benedictionem accipiant.

VI. Vespere iterum congregentur, &  
si Diffinitor aliquis electus fuerit in Vicari-  
um Generalem, Congregatio eligat no-  
vum Diffinitorem Generalem Ordinis, &  
si occurrat aliquod negocium urgens pro  
tota Religione, aut aliqua Familia, deter-  
minetur ab omnibus, ut moris est.

VII. Postea confirmet electionem Vi-  
carii Generalis, & deinde si eam fecit, con-  
firmet etiam electionem Diffinitoris novi-  
ter electi.

VIII. Postea Congregatio dissolvatur,  
mutuoque amplexentur Vocales, quin aliud  
fiat, neque concionem aliquam habere de-  
beant in hac Congregatione; Qua finita,  
duo primi Diffinitores Generales Ordinis,  
& Secretarius Ministri Generalis praeteriti,  
statim mittant attestationem subscriptam  
ab ipsis tribus, & sigillo Diffinitorii Ge-  
neralis Ordinis munitam, in qua Commis-  
sario generali illius fidem faciant electionis  
factae, ut eam intra eorum Familiam nul-  
lus simulare audeat, aut praesumat. Et  
postquam Superior Generalis alterius Fam-  
iliae, & Diffinitorium Generale illius hu-  
jusmodi notitiam habuerit, illico per suas  
literas authenticas moderno Vicario Ge-  
nerali, obedientiam promittant; Idque

facere praecipimus illis sub precepto formali  
in virtute sanctae obedientiae sub poena su-  
spensionis ab officio ipsi Superiori generali  
Familiae, & cuicumque Diffinitori illius,  
obedientiam non repromittenti a Diffini-  
tori generali Ordinis declaranda, & appli-  
canda. Si autem aliquis Provincialis, vel  
Vocalis alter electus fuisset in Vicarium  
Generalem, ad Diffinitorium Provinciae  
pertinebit electio, sive Provincialis, sive  
alterius officii, quod electus habuerat.

IX. Si vero non mortis causa, sed ob  
renunciationem, vel privationem a suo  
officio munus Ministri Generalis vacaverit,  
eodem modo, & ab eisdem Vocalibus faci-  
enda, & celebranda est Congregatio  
eodemque modo eligenda Vicarius Gene-  
ralis Ordinis. Quippe Congregatio, quae  
Ministrum Generalem deposuit, vel illius  
admisit renunciationem, suo jam munere  
functa debet intelligi, quin eadem Con-  
gregatio jus eligendi Vicarium Generalem  
pretendere possit.

X. Si autem vel unius Familiae, vel to-  
tius Ordinis opus fuerit pro urgentissimo  
casu Congregationem Generalem, judicio  
Diffinitorii Generalis Ordinis convocare,  
id fieri debet, concurrentibus omnibus ip-  
sius Diffinitorii Generalis, praeter unum;  
Et celebranda est in Domo ad arbitrium  
ipsius Diffinitorii eligenda tempore ab ipso  
destinato, Praeside, & Vocalibus seligen-  
dis ab ipso, nisi in his Constitutionibus jam  
designati fuerint pro Congregatione in ipsis  
statuta, ita tamen, ut ad Congregationem  
specialem semper concurrat utrumque Dif-  
finitorium, si fuerit Ordinis, semperque  
Diffinitorium Familiae si unus fuerit Fam-  
iliae tantum.

## S. X.

De pertinentibus privative ad Capitulum  
Generale.

I. Quoties dicitur in his Constitutioni-  
bus, Capitulum, vel Diffinitorium Ge-  
nerale, & non additur Ordinis, intelligitur  
de Capitulo generali, & Diffinitorio  
Generale Ordinis, vel Familiae. Itaque ad  
Capitulum generale spectat facere omnes  
electiones Praelatorum, & admittere om-  
nes renunciationes eorum, quando sunt in  
ipso. Condere Ordinationes, & Consti-  
tutiones, ut in Paragraphis de Capitulis  
dicitur. Sed ad Capitulum generale Ordi-  
nis spectat impetrare a Sede Apostolica,  
concurrentibus omnibus suffragiis immu-  
tationem nostrae Regulae in re aliqua. Item  
ad ipsum pertinet dividere Provincias, con-  
sulta primo Sede Apostolica, dummodo  
pro nova saltem sint octo Conventus. At-  
que etiam eadem consulta, relinquere, &  
desertas facere fundationes Conventuum  
jam admittas, & possessas.

II. Et demum dispensare in Constitu-  
tionibus non confirmatis a Sede Apostoli-  
ca, ut dictum est: Et ex ipsis non confir-  
matis abrogare, innovare, & alterare,  
quamlibet, ceteraque facere, & stabilire,  
quae